

Opšti uslovi za osiguranje od opasnosti provalne krađe i razbojništva

Izrazi u ovim uslovima znače:

osiguravač

Triglav osiguranje, ad, sa kojim je sklopljen ugovor o osiguranju;

ugovarač osiguranja

lice koje sklopi ugovor o osiguranju;

osiguranik

lice čiji interes je osiguran. Ugovarač osiguranja i osiguranik su isto lice, osim kod osiguranja za tuđi račun;

polisa

isprava o ugovoru o osiguranju;

premija

iznos koji ugovarač osiguranja plaća osiguravaču;

naknada iz osiguranja

iznos koji plaća osiguravač prema sklopljenom ugovoru o osiguranju.

1. član - OSIGURANE OPASNOSTI

- (1) U obimu koji je određen ovim uslovima, osiguranje pokriva štetu do koje je došlo jer su osigurane stvari odnesene, uništene ili oštećene kod provalne (provalne krađe) ili razbojništva, odnosno kod pokušaja tih radnji.
- (2) Ako je posebno dogovoreno i ako je obračunata dodatna premija, posebno u muzejima, vjerskim institucijama, javnim bibliotekama i na izložbama, osiguranje pokriva i štete nastale zbog krađe ili oštećenja koja prouzrokuju posjetioci.
- (3) Osiguranje također pokriva štetu koja prilikom provalne (provalne krađe) ili razbojništva, odnosno pri pokušaju tih radnji nastane na zgradi ili njenim dijelovima (zidovima, stropovima, vratima, ključaonicama, ugrađenoj opremi, instalacijama itd.) u visini troškova popravke, ali ne više od 3 % od sume osiguranja, odnosno 10% od osigurane sume na prvi rizik, ako nije drugačije dogovoreno. U tom obimu je pokrivena i šteta na unutrašnjim dijelovima zgrade, odnosno prostoru gdje se nalaze osigurane stvari, ako ju je počinilac prouzrokovao prilikom provalne ili razbojništva iz objesti (vandalizam). Osiguranje ne pokriva štete nastale iz otvorenih vrata, prozora, izloga i staklenim zidovima.
- (4) Osiguranje ne pokriva štetu ako je provalnu krađu ili razbojništvo, odnosno pokušaj provalne ili razbojništva učinio ili je u njemu učestvovao kao učesnik ili podstrekač pripadnik osiguranika. Pripadnicima se smatraju lica koja žive s osiguranikom ili su s njim u podnajamnom odnosu, kao i osiguranikovi radnici koji obavljaju svoj posao na mjestu gdje se nalaze osigurane stvari.
- (5) Osiguranje ne pokriva štete nastale:
 - 1) zbog prevare, utaje ili pronevjere;
 - 2) zbog krađe, osim kod osiguranja iz (2) stava ovog člana;
 - 3) koje nastanu posredno nakon osiguranog slučaja (gubitak zarađe, izgubljeno vrijeme, prekid posla, umanjena vrijednost i sl. gubici);
 - 4) zbog manjka utvrđenog kod inventure, pa i onda kada se manjak ustanovi prilikom inventure koja je obavljena poslije nastanka osiguranog slučaja.

2. član - PROVALNA KRAĐA

- (1) Provalna krađa je ako njen počinilac:
 - 1) provali u zaključane prostore (razbije ili provali vrata, prozore, zid, strop ili pod);

- 2) otvori zaključane prostore lažnim ključem ili kojim drugim sredstvom koje nije namijenjeno redovnom otvaranju, a da je pri tome ostavljen trag na osnovu kojega se može pouzdano utvrditi provala;
 - 3) neprimjetno se uvuče u mjesto osiguranja, sakrije se u njemu i izvrši krađu u vrijeme dok su prostori zaključani;
 - 4) prodre u zaključani prostor kroz otvore koji nisu namijenjeni za ulaz, savladavajući pri tome prepreke koje onemogućavaju ulazak bez napora;
 - 5) provali u zaključano spremište u prostorima do kojih je stigao na način koji se po odredbama ovog člana smatra provalnom krađom;
 - 6) otključa prostor ili spremište gdje se nalaze osigurane stvari pravim ključem ili njegovim duplikatom, ako je do takvog ključa došao na način kako je to određeno u tačkama 1) do 5) ovog stava ili razbojništvom;
 - 7) prodre u prostor koji nije u prizemlju ili podrumu kroz otvoreni prozor, pri čemu se ne smatra da je provalna krađa ako počinilac uđe kroz otvoreni prozor čiji je donji rub od tla udaljen manje od 160 cm;
 - 8) uzme stvari s balkona koji nije u prizemlju.
- (2) Stvari su osigurane samo za vrijeme dok su u zatvorenim i zaključanim prostorima koji su navedeni u polisi.
 - (3) Ako nije drugačije dogovoreno, novac, vrijednosni papiri, taksene i poštanske marke, štedne knjižice, drago kamenje, plemeniti metali i predmeti od njih, pravi biseri i nakit od plemenitih metala, dragog kamenja i bisera, osigurani su samo ako su, osim u zatvorenom zaključanom prostoru, još i u posebno zaključanom spremištu (željezna blagajna, oklopna blagajna, trezor i si.).
 - (4) Stvari kao što su građevinski materijal, željezarija, zalih auto-mobila, poljoprivrednih i ostalih strojeva te u njih ugrađenih dijelova i si. osigurane su i na otvorenom prostoru, ako se to posebno dogovori. Prostor na kojem su smještene osigurane stvari mora biti stalno čuvan i ograđen dobro održavanom ogradom, visokom bar 2 metra. Osiguranje ne pokriva štete ako se nakon nastanka osiguranog slučaja utvrdi da nisu bili ispunjeni navedeni uslovi.

3. član - RAZBOJNIŠTVO

- (1) Razbojništvom se smatra oduzimanje osiguranih stvari upotrebom sile ili ugrožavanjem zdravlja i života osiguranika ili njegovih pripadnika.
- (2) Smatra se da je upotrebljena sila i u slučaju kada su korištena sredstva za onemogućavanje otpora.
- (3) Ako je dogovoreno, osiguranje pokriva i razbojništvo za vrijeme prenosa ili prevoza novca, vrijednosnih papira, štednih knjižica, čekova, mjenica, depozitnih potvrda i drugih vrijednosnih stvari. Za osobe koje prenose, odnosno prevoze navedene stvari (prenosilac, nakupac, inkasant, trgovački putnik i si.) u daljem se tekstu koristi izraz dostavljač. Osiguranje također pokriva štetu do iznosa navedenog u polisi koja nastane bez krivice dostavljača, kod pojedinačnog prenosa ili prevoza zbog:
 - 1) prevare koja je izvršena nad dostavljačem u smislu pojma prevare, na način kako je definiše krivični zakon;
 - 2) krađe novca i drugih vrijednosnih stvari dostavljaču dok je pod neposrednom tjelesnom zaštitom za to ovlaštenih lica;
 - 3) uništenja novca i drugih vrijednosnih stvari, ako je do uništenja došlo jer je nad dostavljačem upotrebljeno sredstvo za onemogućavanje otpora, pa zbog toga više nije mogao osiguravati stvari koje su mu bile povjerene.

- (4) Osiguranje vrijedi za određeni broj dostavljača navedenih u polisi (po imenu ili broju), koji po nalogu osiguranika prenose ili prevoze novac ili druge vrijednosne stvari.
- (5) Osiguranje vrijedi od trenutka kada dostavljač preuzme novac ili druge vrijednosne stvari i traje na redovnom putu po nalogu osiguranika sve dok ih ne izruči na određenom mjestu.
- (6) Ako je dogovoreno, novac i druge vrijednosne stvari kod prevoza motornim vozilom također su osigurane od gubitka, odnosno uništenja u slučaju saobraćajne nesreće. Saobraćajnom nesrećom smatra se: prevrtanje, sudar, udar, klizanje ili kotrljanje motornog vozila koje prevozi novac i druge vrijednosne stvari, isto tako i sva ostala oštećenja nastala zbog iznenadnog događaja koji djeluje izvana mehaničkom silom na vozilo nezavisno od volje osiguranika, odnosno vozača, kao i oštećenja nastala zbog neočekivanog toplinskog ili hemijskog djelovanja izvana.
- (7) Osiguranje novca i drugih vrijednosnih stvari za vrijeme prenosa, odnosno prevoza sklopljeno je na sumu osiguranja po pojedinom dostavljaču; šteta se nadoknađuje u punom iznosu, ali ne više od visine sume osiguranja (osiguranje na prvi rizik). Uslovi po kojima je moguće osigurati novac i druge vrijednosne stvari za vrijeme prenosa ili prevoza su određeni u posebnoj klauzuli priloženoj polisi osiguranja.
- (8) Ako je tako dogovoreno, do osigurane sume na prvi rizik osigurani su novac i druga sredstva plaćanja kao i dragocjenosti za vrijeme manipulacije njima u blagajnama, na bankovnim i poštanskim šalterima te sličnim uplatno-isplacnim i prodajnim mjestima.
Manipulacija po ovim uslovima je i priprema i brojanje novca i drugih vrijednosnih stvari. Osiguranje vrijedi samo pod uslovom ako je sklopljeno posebno za svako uplatno-isplacno, odnosno prodajno mjesto.
- (9) Ako je tako dogovoreno, do osigurane sume na prvi rizik osigurani su i plemeniti metali i predmeti od njih za vrijeme dorade i manipulacije.

4. član - PREDMET OSIGURANJA

- (1) Predmet osiguranja mogu biti sve stvari osim:
 - 1) stvari izloženih na sajmovima i
 - 2) kopnenih motornih vozila, prikolica, samohodnih mašina, plovila na vodi i letjelica svih vrsta. Te stvari mogu biti predmet osiguranja u vrijeme dok su kao zalihe uskladištene u trgovinama ili carinskim skladištima, odnosno kada su u radionicama na popravci i slično.
- (2) Ako je posebno dogovoreno, predmet osiguranja su i automati za igre i njihov sadržaj.
- (3) Ako je dogovoreno, predmet osiguranja mogu biti, kada se nalaze u zaključanim prostorima, i manja plovila za razonodu, kao što su daske za jedrenje (surfovi), kajaci i kanui.
- (4) Osigurane su samo one stvari koje su navedene u polisi. Ako stvari u polisi nisu pojedinačno navedene, već kao zbir, osigurane su sve stvari u mjestu osiguranja koje pripadaju osiguranom zbiru, a bile su tu u vrijeme sklapanja ugovora, kao i one koje su bile dodate kasnije.
- (5) Osigurane su samo stvari koje su u vlasništvu osiguranika i lica koja sa njime žive u zajedničkom porodičnom domaćinstvu. Stvari radnika i drugih lica, preuzete na popravku, preradu, prodaju, najam, čuvanje i zalog ili pozajmicu, osigurane su samo ako je to posebno dogovoreno.
- (6) Ako je propisima ili polisom osiguranja utvrđena obaveza vođenja evidencija o osiguranim stvarima, smatraju se osiguranim samo stvari koje su evidentirane (u skladu sa propisima, odnosno odredbama polise osiguranja).

5. član -VRIJEDNOST OSIGURANE STVARI

Ako nije drugačije dogovoreno, vrijednost osigurane stvari je za:

- (1) zalihe robe i materijala - nabavna cijena, ali ne viša od tržišne cijene;
- (2) zalihe gotovih proizvoda i nedovršene proizvodnje kod proizvođača - proizvodna cijena; ako je tržišna cijena niža od proizvodne - tržišna cijena;

- (3) zalihe poljoprivrednih proizvoda kod poljoprivrednog proizvođača -proizvodna cijena; ako je tržišna cijena niža od proizvodne - tržišna cijena;
- (4) mašine, opremu, instalacije, sredstva veze, inventar te kućanske predmete - nabavna cijena novih stvari umanjena za iznos gubitka vrijednosti zbog istrošenosti, starosti i ekonomske te tehničke zastarjelosti (amortizacija). Ako osiguranik ne može dokazati računima nabavke i drugom dokumentacijom vrijednost osiguranih stvari u smislu ovog stava, smatraće se da je vrijednost osiguranih stvari najviše 50 % od nabavne vrijednosti nove stvari;
- (5) vrijednosne papire, arhivsku građu, muzejske i izložbene predmete - iznos što ga u polisi sporazumno određuju ugovarač osiguranja i osiguravač;
- (6) stvari od plemenitih metala, neobrađene plemenite metale, drago kamenje, bisere, rijetke i dragocjene stvari, umjetničke predmete, nacрте, podatke na memorijama, skice, modele, kalupe, isprave, rukopise, zbirke, poslovne knjige - iznos što ga u polisi sporazumno odrede ugovarač osiguranja i osiguravač. Ako vrijednost tih stvari u polisi nije određena, smatra se da svaka pojedina stvar vrijedi najviše 3 % od ukupne sume osiguranja određene u polisi za te stvari, a zbirka najviše 15 % od iste sume osiguranja.

6. član - MJESTO OSIGURANJA

- (1) Osiguranje vrijedi dok su osigurane stvari u zatvorenim i zaključanim prostorima i na mjestu koje je navedeno u polisi.
- (2) Osiguranje vrijedi i onda kada se sve osigurane stvari premjeste u drugo mjesto ili prostor, ali samo na području države Bosne i Hercegovine. U torn slučaju takođe vrijedi da te stvari moraju biti u zatvorenim i zaključanim prostorima.

7. član - OBRAČUN ŠTETE

- (1) Šteta koju osiguranje pokriva, obračunava se u slučaju:
 - 1) uništenja ili nestanka osigurane stvari - prema vrijednosti osigurane stvari kod zaključenja likvidacije osiguranog slučaja, čija je vrijednost umanjena za iznos prosječnih manipulativnih gubitaka i dozvoljenog rasapa (kala);
 - 2) oštećenja osiguranih stvari - po troškovima popravka, koliko bi iznosili kod zaključenja likvidacije osiguranog slučaja, umanjениh za smanjenu vrijednost stvari zbog istrošenosti, starosti, ekonomske i tehničke zastarjelosti (amortizacija), te za vrijednost ostataka. U štetu se ne ubrajaju troškovi koji su nastali prilikom popravke zbog poboljšanja, nadopune ili drugih promjena na osiguranoj stvari.
- (2) Smatra se da je stvar uništena i šteta se za to obračunava po tački 1) prethodnog stava ako bi troškovi popravke dostigli vrijednost stvari umanjenu za vrijednost ostataka.
- (3) Ostaci uništenih ili oštećenih stvari ostaju osiguraniku, a obračunavaju se po tržišnoj cijeni kod zaključenja likvidacije osiguranog slučaja te na osnovu stanja u kakvom su bili odmah nakon osiguranog slučaja.
- (4) Ako se u osiguranom slučaju utvrdi da kod prenosa ili prevoza novca nisu bili ispunjeni uslovi u priloženoj klauzuli za osiguranje prenosa ili prevoza u skladu sa (7) stavom 3. člana ovih uslova, nadoknadiće se šteta najviše do iznosa za koji su bili uslovi stvarno ispunjeni.

8. član -TROŠKOVI NAKON OSIGURANOG SLUČAJA

Osiguranje ne pokriva troškove za otklanjanje ili umanjeње opasnosti kao ni troškove za posredovanje vatrogasnih ili drugih organizacija koje u osiguranom slučaju, po karakteru svog posla, moraju besplatno pružiti svoju pomoć.

9. član - SUMA OSIGURANJA

- (1) Ako nije drugačije dogovoreno, osiguravač garantuje naknadu štete samo do visine dogovorene sume osiguranja.

- (2) Ugovarač osiguranja ili osiguravač mogu zahtijevati da se za naredne godine osiguranja smanji suma osiguranja i premija, ako suma osiguranja znatno premašuje osiguranu vrijednost.
- (3) Ako je ugovor o osiguranju sklopljen bez sume osiguranja ili na neograničenu vrijednost, vrijedi da je osiguranje sklopljeno na stvarnu vrijednost.

10. član - OBAVEZA OSIGURAVAČA (NAKNADA IZ OSIGURANJA)

- (1) Ako je suma osiguranja jednaka vrijednosti osigurane stvari ili je veća od nje, osiguravač kod zaključivanja likvidacije plaća obračunatu štetu u punom iznosu, ali najviše do visine vrijednosti osigurane stvari.
- (2) Ako je suma osiguranja kod zaključivanja likvidacije osiguranog slučaja niza od vrijednosti osigurane stvari (podosiguranje), osiguravač plaća obračunatu štetu samo u omjeru između sume osiguranja i vrijednosti osigurane stvari, ali najviše do sume osiguranja.
- (3) U slučaju kada je osiguranje sklopljeno na prvi rizik, osiguravač plaća obračunatu štetu u punom iznosu, ali najviše do dogovorene sume osiguranja. U slučaju sklopljenog osiguranja na način dvostrukog prvog rizika, osiguravač plaća obračunatu štetu po pojedinom komadu iz zbirke osiguranih stvari u punom iznosu, ali najviše do iznosa niže sume osiguranja, s tim da ukupna šteta na cjelokupnom zbiru stvari ne može preći višu sumu osiguranja. Odredbe o podosiguranju iz stava (2) ovog člana u tom slučaju se ne primjenjuju.
- (4) U svakom štetnom događaju osiguranik sam učestvuje u šteti u zavisnosti od broja štetnih događaja sa:
10 % kod prvog štetnog događaja,
20 % kod drugog štetnog događaja,
30 % kod trećeg štetnog događaja,
40 % kod četvrtog štetnog događaja,
50 % kod petog i svakog narednog štetnog događaja,
ukoliko nije posebno ugovoren otkup učestvovanja u šteti za prvi i drugi štetni događaj u istom objektu u toku perioda osiguranja.
- (5) Nužne troškove za mjere koje bi otklonile ili smanjile štetu i koje su po nastanku osiguranog slučaja preduzete po nalogu osiguravača, osiguravač mora u cijelosti vratiti, bez obzira na sumu osiguranja.
- (6) Pri zaključenju likvidacije osiguranog slučaja isplaćuje se naknada iz osiguranja koja je umanjena za eventualno već isplaćenu akontaciju, revaloriziranu po stopi rasta cijena troškova života u državi Bosni i Hercegovini od dana uplate akontacije do zaključenja likvidacije osiguranog slučaja.

11. član - OPASNE OKOLNOSTI

- (1) Pri sklapanju ugovora o osiguranju ugovarač mora prijaviti osiguravaču sve okolnosti koje su važne za ocjenu opasnosti (težine rizika) koje je znao, odnosno koje bi morao znati. Okolnostima koje su važne za ocjenu opasnosti smatraju se naročito okolnosti koje su ugovaraču osiguranja poznate i na osnovu kojih je određena i obračunata premija, kao i one koje su navedene u ugovoru o osiguranju. Te okolnosti mogu odrediti ugovarač osiguranja i osiguravač zajedno. (2) Ugovarač osiguranja mora omogućiti osiguravaču pregled i reviziju, kao i određivanje najveće vjerovatne štete.

12. član - SKLAPANJE UGOVORA O OSIGURANJU

- (1) Ugovor o osiguranju sklopljen je na osnovu pismene ili usmene ponude.
- (2) Osiguravač može po primitku ponude zahtijevati dopune ili pojašnjenja. Smatra se da je ponuda stigla osiguravaču kada je primio zahtijevane dopune ili pojašnjenja.
- (3) Odredbe o sklapanju ugovora o osiguranju također se primjenjuju i kada se promijeni postojeći ugovor o osiguranju, osim u slučaju izmjene uslova osiguranja ili premijskoga cjenika.

13. član - PLAĆANJE PREMIJE

- (1) Prvu ili jednokratnu premiju ugovarač osiguranja mora platiti kod primitka isprave o osiguranju, a sljedeće premije prvog dana svake osiguravajuće godine. Ako je dogovoreno da se premija plaća u ratama, na naplatu dospijevaju sve rate tekuće godine osiguranja kada nastane osigurani slučaj.
- (2) Ako je dogovoreno da se premija plaća u ratama za proteklo vrijeme, mogu se obračunati redovne kamate na iznos premije za koji je dogovorena odgoda plaćanja. Ako premija koja se plaća u ratama nije plaćena do dana dospijeca, mogu se obračunati i zatezne kamate.
- (3) Ako je premija plaćena na pošti, za dan plaćanja vrijedi onaj dan kada je iznos premije bio pravilno uplaćen pošti. Ako je premija plaćena virmanom, za dan plaćanja vrijedi onaj kada nalog dođe u banku osiguravača.
- (4) Ako je u pogledu dogovorenog vremena osiguranja u ugovoru bila određena niža premija, a osiguranje je iz bilo kojeg razloga prestalo prije isteka tog vremena, osiguravač ima pravo teretiti razliku do one premije koju bi ugovarač osiguranja morao platiti kada bi ugovor o osiguranju bio sklopljen samo za toliko vremena koliko je osiguranje stvarno trajalo.
- (5) U slučaju prestanka važenja ugovora o osiguranju zbog neplaćanja dospjele premije, ugovarač mora platiti premiju za neplaćeno vrijeme do dana prestanka važenja ugovora o osiguranju ili cjelokupnu premiju za tekuću godinu osiguranja, ako je do dana prestanka osiguranja nastao osigurani slučaj za koji osiguravač mora isplatiti naknadu iz osiguranja.

14. član - POSLJEDICE, AKO PREMIJA NIJE PLAĆANA

- (1) Ako je dogovoreno, da je premiju potrebno plaćati prilikom zaključenja ugovora, počinje teći obaveza osiguravača za isplatu u ugovoru određene naknade iz osiguranja sljedećeg dana poslije uplate premije.
- (2) Ako je dogovoreno, da je premiju potrebno plaćati poslije zaključenja ugovora, počinje teći obaveza osiguravača za isplatu u ugovoru određene naknade iz osiguranja na dan, koji je u ugovoru određen kao dan početka osiguranja.
- (3) Obaveza osiguravača za isplatu u ugovoru određene naknade iz osiguranja prestaje u slučaju, ako ugovarač osiguranja do dospijeca ne plaća premiju osiguranja, koja je dospjela poslije zaključenja ugovora, ni to ne uradi neko drugi ko je za to zainteresovan, poslije trideset dana od dana, kada je ugovaraču osiguranja bilo uručeno pismo osiguravača uz obavještenje o dospijecu premije, a kod čega taj rok ne može isteći prije, dok ne istekne trideset dana od dospijeca premije.
- (4) Osiguravač može poslije isteka roka iz trećeg stava ovoga člana, ako ugovarač osiguranja kasni s plaćanjem premije koju je potrebno plaćati poslije zaključenja ugovora, odnosno druge i sljedećih premija, da raskine ugovor o osiguranju bez otkaznog roka, time da raskid ugovora o osiguranju nastupi istekom roka iz trećeg stava ovoga člana i prestankom osiguravajućeg pokrića, ako je ugovarač osiguranja na to bio upozoren u preporučenom pismu uz obavještenje o dospijecu premije i o prestanku osiguravajućeg pokrića.
- (5) Ako ugovarač osiguranja plati premiju poslije isteka roka iz trećeg stava ovoga člana, ali u jednoj godini do dospijeca premije, osiguravač je dužan platiti naknadu iz osiguranja, ako nastupi osigurani slučaj po isteku dvadesetčetvrtog sata poslije uplaćene premije i zateznih kamata.

15. član - POVRAT PREMIJE

- (1) Osiguravaču pripada premija za tekuću godinu osiguranja u cijelosti, ako je osigurana stvar uništena zbog osigurane opasnosti.
- (2) Osiguravač vraća dio premije za neiskorišteno vrijeme osiguranja, ako je osigurana stvar uništena zbog neosigurane opasnosti.
- (3) Ako je osigurana stvar uništena prije početka garancije, osiguravač vraća cjelokupnu plaćenu premiju.

- (4) U ostalim slučajevima prestanka važenja ugovora o osiguranju prije završetka perioda za koji je plaćena premija, osiguravaču pripada premija do onog dana do kojeg traje njegova garancija, ako nije drugačije dogovoreno.

16. član - POČETAK DJELOVANJA OSIGURANJA

- (1) Ako drukčije nije ugovoreno, ugovor o osiguranju proizvodi svoje djelovanje po isteku dvadesetčetvrtog sata dana koji je u polisi označen kao dan početka osiguranja, pa sve do svršetka posljednjeg dana roka za koji je osiguranje ugovoreno.
- (2) Ako rok trajanja osiguranja nije određen ugovorom svaka strana može raskinuti ugovor s danom isteka tekuće godine osiguranja, izvještavajući pismenim putem drugu stranu najkasnije tri mjeseca prije isteka tekuće godine osiguranja. U tom slučaju ugovor o osiguranju prestaje istekom 24 sata posljednjeg dana tekuće godine osiguranja.
- (3) Ako je osiguranje sklopljeno na rok duži od pet godina, svaka strana može, nakon isteka ovoga roka, uz otkazni rok od šest mjeseci pismeno izjaviti drugoj strani da raskida ugovor.

17. član - OSIGURANI SLUČAJ

Kod osiguranja stvari smatra se da je nastao osigurani slučaj u trenutku kada su zbog jedne od osiguranih opasnosti počela nastajati oštećenja na osiguranoj stvari.

18. član - OSIGURANIKOVE DUŽNOSTI NAKON OSIGURANOG SLUČAJA

- (1) Osiguranik mora prijaviti osiguravaču nastanak osiguranog slučaja najkasnije u roku od tri dana od dana kada za njega sazna.
- (2) Osiguranik takođe mora o nastalom slučaju obavijestiti nadležni organ za unutrašnje poslove (policiju) te navesti koje su stvari uništene ili oštećene.
- (3) Osiguranik mora dati osiguravaču sve podatke i druge dokaze koji su potrebni za utvrđivanje uzroka, obuhvata i visine štete.
- (4) Ako osiguranik svoje obaveze iz tog člana ne ispuni u dogovorenom roku, osiguravač može otkloniti plaćanje štete ako radi tog propusta ne može utvrditi nastanak osiguranog slučaja ili obim oštećenja osigurane stvari.

19. član - POSTUPAK VJEŠTAČENJA

- (1) Svaka ugovorna strana može zahtijevati da određene sporne činjenice utvrđuju vještaci.
- (2) Svaka strana imenuje jednog vještaka između lica koja sa strankama nisu u radnom odnosu. Imenovani vještaci prije početka rada imenuju trećeg vještaka koji daje svoje mišljenje samo kada su zaključci prva dva vještaka različiti i samo u granicama nužnih zaključaka.
- (3) Svaka ugovorna strana snosi troškove za vještaka kojeg je imenovala, a za trećeg vještaka svaka strana snosi polovinu troškova.
- (4) Zaključci vještaka obavezujući su za obj strane.

20. član - PRONALAZENJE UKRADENIH STVARI

- (1) Ako osiguranik na bilo koji način sazna gdje se nalaze ukradene stvari, dužan je odmah, uz učestvovanje nadležnih organa za unutrašnje poslove, poduzeti sve potrebno da utvrdi ispravnost tih stvari i da ih dobije što prije nazad, te o tome odmah obavijesti osiguravača.
- (2) Ako osiguranik još nije primio naknadu iz osiguranja za nađene stvari, mora ih preuzeti. Ako su stvari oštećene, šteta se obračunava po odredbama člana 7.

- (3) Ako je osiguranik već primio naknadu iz osiguranja prije nego što je saznao gdje su osigurane stvari, može ih, ako su pronađene, zadržati za sebe, s time da osiguravaču mora vratiti primljenu naknadu iz osiguranja za stvari koje su nađene neoštećene. Ako su nađene stvari oštećene, osiguranik može zahtijevati da ih zadrži za sebe po sporazumno određenoj vrijednosti, a osiguravaču mora vratiti odgovarajući dio naknade iz osiguranja. Ako osiguranik te stvari neće preuzeti, one postaju vlasništvo osiguravača. Ako osiguravač prodajom dostigne iznos koji premašuje iznos isplaćene naknade iz osiguranja i troškova prodaje, višak iznosa odobrava se osiguraniku.

21. član - OSIGURANJE NAKON OSIGURANOG SLUČAJA

- (1) Nakon osiguranog slučaja u kojem su osigurane stvari bile oštećene, osiguranje se nastavlja bez promjene.
- (2) Za stvari koje po ugovoru o osiguranju vrijede kao uništene, osiguranje po osiguranom slučaju prestaje vrijediti.

22. član - PROMJENA USLOVA OSIGURANJA ILI PREMIJSKOG CJENIKA

- (1) Ako osiguravač promijeni uslove osiguranja ili premijski cjenik, o promjeni mora obavijestiti ugovarača osiguranja bar 60 dana pred početak tekuće godine osiguranja.
- (2) Ugovarač osiguranja ima pravo da do 60 dana po primitku obavještenja otkáže ugovor o osiguranju. Ugovor prestaje vrijediti istekom tekuće godine osiguranja.
- (3) Ako ugovarač osiguranja ne otkáže ugovor, on se s početkom dolazeće godine mijenja u skladu s novim uslovima osiguranja ili premijskim cjenikom.

23. član - PROMJENA ADRESE

- (1) Ugovarač osiguranja mora osiguravača obavijestiti o promjeni adrese svog stanovanja, odnosno sjedišta ili svog imena, odnosno imena firme u roku od 15 dana od dana promjene.
- (2) Ako ugovarač osiguranja promijeni adresu stana, odnosno sjedište ili svoje ime, odnosno ime firme, a o tome nije obavijestio osiguravača, dovoljno je da osiguravač pošalje obavještenje koju mora dostaviti ugovaraču osiguranja na adresu njegove posljednje poznate adrese stanovanja ili sjedišta ili ga naslovi na posljednje poznato ime, odnosno firmu.

24. član - NAČIN OBAVJEŠTAVANJA

- (1) Dogovori o sadržaju ugovora o osiguranju važeći su samo ako su sklopljeni u pisanom obliku.
- (2) Sve obavijesti i izjave, što ih treba dati po smjericama ugovora o osiguranju, moraju biti pisane.
- (3) Obavještenje ili izjava data je pravovremeno ako se prije isteka roka pošalje preporučenim pismom.
- (4) Izjava koju treba dati drugome, vrijedi od trenutka kada je drugi primi.

25. član - UPOTREBA ZAKONA

Za odnose između ugovarača osiguranja, odnosno osiguranika, na jednoj strani i osiguravača, na drugoj strani, primjenjuju se takođe i odredbe Zakona o obaveznim odnosima (ZOO).

26. član - NADLEŽNOST U SLUČAJU SPORA

Sporove između ugovarača osiguranja, odnosno osiguranika na jednoj i osiguravača na drugoj strani, rješava stvarno nadležan sud prema mjestu sklapanja ugovora o osiguranju.